

**Nihánj me 'o yanj cartá qui'yaj  
 síí cu'naj Pabló ca'néé so'  
 rihaan nij yuvii nocó' man  
 Diose yanj estadó cu'naj  
 Galacia a**

<sup>1</sup> Síí cu'naj Pabló mej, ne dan me se gaa cavi' Jesucristó, ne cunuu i'ná' uún so', qui'yaj Diose, ne Jesucristó do', Rej ní' Diose do', me roj síí cune' mán 'unj guún 'unj apóstol nata' se-nána Jesucristó rihaan cunudanj nij yuvii mān rihaan chumij a. Nuveé inanj yuvii me síí cune' mán 'unj ma'. Ma'an ya Diose cune' mán 'unj adonj. <sup>2</sup> Dan me se taran' nij tinúú ní' síí ne ga 'unj ro', 'yaj yanj cartá nihánj ga 'unj, ne ca'nej nuj yanj nihánj rihaan nij soj sij amán rá ni'yaj man Jesucristó sij yanj nij chuman' naj rihaan estadó Galacia a. <sup>3</sup> Dan me se me rá nuj qui'yaj Rej ní' Diose qui'yaj Jesucristó sij 'nij ra'a man ní' qui'yaj ndo'o se luj che'é nij soj, ne me rá nuj gaa xej nimán soj qui'yaj roj so' adonj. <sup>4</sup> Dan me se chi'ii vaa nimán yuvii mān rihaan chumij nihánj cuano, ne me rá Rej ní' Diose quinanii ní' rihaan sayuun quiran' nij yuvii mān rihaan chumij nihánj, ne che'é dan ca'vej Jesucristó sij 'nij ra'a man ní' caví' ya ma'an so' che'é cacun' tumé ní' adonj. <sup>5</sup> Sa' uxrá vaa 'yaj Diose, cataj ní' nu' cavii nu' ca'anj a. Veé dānj gaa ya ei.

*Nanä nihánj taj xna'anj se vaa se canoco' ní'yo'ó nanä ma'. Maan se inanj se-nanä Jesucristó canoco' ní'a*

<sup>6</sup> Ne ne'en uxraj me che'é me rá niж soj tñajáy ra'yanj soj man Diose нe canoco' soj yo'ó nanä ma'. Ne'en soj se vaa qui'yaj ndo'o Jesucristó se luj che'é soj, нe che'é dan canacúún ma'an Diose man soj canoco' soj man so!, нe me che'é me rá soj tñajáy soj man Diose ga. <sup>7</sup> Nuveé se vaa yo'ó se-tucuqanj Diose ma'. Maan se vaa niж síí me rá naqui'yaj ino se-tucuqanj Jesucristó chuguqanj. Tzaj нe inanj se-nanä Diose nanä cataj xna'anj núj rihaan soj che'é Jesucristó me nanä sa' adonj. <sup>8</sup> Che'é dan se ca'vej rá soj nata' yuvij yo'ó nanä nacä rihaan soj mei. 'Q se inanj nanä nata' núj rihaan soj asij rque ro', cuchuman rá soj ei. Dan me se ca'vee se ndaa ma'an núj do', ca'vee se ndaq 'o se-mozó Diose nanij rej xta' do', nata' yo'ó nanä nacä rihaan soj, tzaj нe yo'ó guun ya rá soj se vaa quiran' ndo'o síí a'mii yo'ó nanä yo' sayuun qui'yaj Diose á. 'Q se taj síí no xcúún natunä se-nanä Diose ma'. <sup>9</sup> Dan me se aj cataj xna'anj núj rihaan soj, нe cuano nihánj me cataj xna'anj uún 'unj rihaan soj, se vaa sese ino gaa nanä nata' yo' so' rihaan soj ga nanä canoco' soj asij rque, нe guun ya rá soj se vaa quiran' uxrá síí nata' yo'ó nanä yo' sayuun, qui'yaj Diose ei.

*Nana nihánj taj xna'anj se vaa inanj me rá síí cu'naj Pabló gaa niha' rá Diose ní'yaj Diose man so'a*

<sup>10</sup> Me rá 'unj gaa niha' rá yuvij ní'yaj yuvij mán 'unj, rá soj na'. Taj mei. 'Q se inanj me rá 'unj gaa niha' rá Diose ní'yaj Diose manj ei. Dan me se

gaa rque me se inan̄j me rá 'unj gaa niha' rá yuvii  
ni'yaj yuvii manj, tzaj ne yaj ro', me taj ma'. Sese  
inan̄j guun rá 'unj gaa niha' rá yuvii ni'yaj yuvii  
mán 'unj, ne nuveé sij 'yaj suun che'é Jesucristó  
mé 'unj a man chuguanj.

*Nan̄a nihán̄j taj xna'an̄j se vaa nan̄a a'mii natáj  
Pabló ro', orún' Jesucristó me síi tucu'yón nan̄a yo'  
man so' a*

<sup>11</sup> Me rá 'unj xcaj nj̄ soj cuentá se vaa se-nan̄a Diose nana sa' a'mii natáj 'unj ro', nuveé nan̄a cavii raq yuvii me nana yo' ma'. <sup>12</sup> Ne nuveé yuvii nata' nana yo' rihan̄j ma'. Ne taj síi tucu'yón nana yo' manj ma'. Tzaj ne ma'qan ya Jesucristó me síi qui'yaj xcaj 'unj cuentá che'é nana sa' yo' adon̄j.

<sup>13</sup> Aj ne'en soj daj vaa raj asij rque doj adon̄j. Dan me se gaa canocó' 'unj tucuáán nocó' nj̄ yuvii israelitá, ne dan me se qui'yaj ndo'o 'unj sayuun man taran' nj̄ síi cuchumán rá ni'yaj man Diose, ne qui'yaj suun uxrá 'unj che'é se me rá 'unj tirí' 'unj man nj̄ so' a. <sup>14</sup> Ne tucuáán nocó' nj̄ yuvii israelitá ro', 'unj me síi nocó' sa' doj tucuáán yo' rihaan que'ee nj̄ tuví 'unj síi israelitá vaa cuyaqan ga 'unj ei. Ne 'unj ro', me síi a'néé sa' doj nu' se-tucuan̄j xií 'unj sij israelitá adon̄j.

<sup>15</sup> Tzaj ne asij ataa ca'ngaa 'unj, ne guun rá Diose se vaa qui'yaj sunj che'é so' ei. Dan me se qui'yaj ndo'o Diose se luj che'ej se vaa canacúún so' manj qui'yaj sunj che'é so', <sup>16</sup> ne tihaqan so' ta'níí so' Jesucristó rihan̄j, che'é se me rá so' ca'qan̄j 'unj nata' 'unj se-nan̄a so' nana sa' rihaan nj̄ yuvii yaníj nān̄j adon̄j. Tzaj ne 'unj me se a doj ne ca'qan̄j 'unj xna'an̄j 'unj man yuvii daj qui'yaj canocoj

man Diose ma'. <sup>17</sup> Dan me se vaa nij síí yanj chuman' Jerusalén, nē apóstol cune' Jesucristó nata' se-nanq so' rihaan yuvij me niж so', nē dan me se asij ataa cune' Jesucristó mán 'unj ro', cune' Jesucristó man niж so', tzaj nē ne cuchi' 'unj rihaan niж so' xna'anj 'unj man niж so' daj qui'yáj ma'. Maqan se ra'yanj ca'anj 'unj cuaj estadó Arabia, nē canicaj 'unj ca'naj chuman' Damasco adonj.

<sup>18</sup> Quisij va'nuj ya yo' nocoj man Jesucristó ta' asuun, gaa nē ca'anj 'unj chuman' Jerusalén, gaa nē cunuу yaqan 'unj man síí cu'naj Pedró a. Dan me se nanó 'unj cuentó gaa so', nē cayáán 'unj tucuá so' rque xnu' güii a. <sup>19</sup> Nē dan me se gaa canej gaa so' me se quene'enj man síí cu'naj Santiagó tinúú síí 'nij ra'a man ní' uún a. Tzaj nē orún' so' quene'enj nanj á. Nē ne quene'én 'unj man yo'ó niж apóstol ma'. <sup>20</sup> Ne'en ya Diose se vaa ya vaa nanq nihánj nanq cachrón 'unj rihaan yanj nihánj adonj. Nuveé nanq nē me nanq nihánj ma'.

<sup>21</sup> Dan me se curihanj 'unj chuman' Jerusalén, nē cachéé 'unj nu' chuman' naj estadó Siria do', nu' chuman' naj estadó Cilicia do', <sup>22</sup> tzaj nē niж síí mān estadó Judea síí cuchumán rá ni'yaj man Jesucristó ro', me se ne quene'en niж so' mán 'unj ma'. <sup>23</sup> Maqan se cuno niж so' cuentó cataj xna'anj tuvi' niж so' che'é 'unj se vaa síí chi'ji ndo'o mé 'unj, tzaj nē yaj nihánj cuano me se sij a'mii natáj se-nanq Diose mé 'unj cuano, taj niж so', caráya'anj niж so' a. "Síí qui'yaj ndo'o sayuun man ní' gaa rque me se cuano nihánj nata' maqan so' nanq sa' nanq nocó' ní' nanq me rá so' tiri' so' gaa rque chuguanj", taj tuvi' niж so' a. <sup>24</sup> Dan me se

caráya'anj ndo'o nij so', ne cataj nij so' se vaa sa'  
uxrá qui'yaj Diose se vaa quene'en nij so' manj a.

## 2

<sup>1</sup> Dan me se cachén xca'anj yo' gaa curihanj 'unj chuman' Jerusalén, gaa ne canicaj uún 'unj ca'anj 'unj chuman' Jerusalén ga síi cu'naj Bernabé, ne dan me se nicaj núj man síi cu'naj Titó ca'anj núj rej yo' a. <sup>2</sup> Dan me se ca'anj 'unj chuman' Jerusalén, che'é se cataj xna'anj Diose rihaan 'unj se vaa me rá Diose ca'anj 'unj chuman' Jerusalén, ne cataj xna'anj 'unj rihaan nij tinúú ní' síi israelitá daj vaa nana sa' nana ca'mii natáj 'unj rihaan nij soj sij yaníj a. Tzaj ne quirii yaníj 'unj man nij síi uun chij doj rihaan nij so', ne natá' 'unj rihaan ma'an inanj nij so' che'é nana a'mii natáj 'unj rihaan nij soj a. Dan me se me rá 'unj xcaj sa' nij síi uun chij yo' cuentá daj vaa se-nanaj, gaa ne se gaa nanj tiri' nij so' nu' suun qui'yaj suun 'unj che'é Jesucristó a.

<sup>3</sup> Ne nicun' síi cu'naj Titó ga 'unj, ne nda' se nuveé sij israelitá me so', tzaj ne ne qui'yaj nij síi man Jerusalén fuerzá man so' cata'ta'nga' man so' ma'. <sup>4</sup> Tzaj ne doj nij síi tiha' yu'unj, ne dan me se taj nij so' se vaa tinúú ní' me nij so', tzaj ne nuveé tinuj ní' me nij so' ma'. 'Q se tu'va rma'an nij so' nanj adonj. Dan me se catúj yuve nij so' rej nuu chre' núj, ne me rá nij so' quene'en yuve nij so' daj qui'yaj núj a. Tzaj ne xá' ní' sij canoco' man Jesucristó, tzaj ne daj chihaq míj ne nó xcúún ní' canoco' ní' nu' se-tucuqanj Moisés a ma'. Che'é dan guun rá nij so' xcaj nij so' cuentá daj 'yaj ní', gaa ne tihaqan uún nij so' man ní' canoco' ní' nana noco'

nij so', rá a nij so' a. <sup>5</sup> Tzaj ne nuj me se a 'ó xco' nii ne cuno nuj rihaan nij so' a ma'. 'Q se guun rá nuj se vaa ve'lé ya quinaj nu'se-nanq Diose nanq ya rihaan soj, rá nuj adonj. <sup>6</sup> Dan me se ase vaa síi uun chij vaa ta'aj nij síi man Jerusalén, rá nii, tzaj ne taj vaj síi sa' doj rihaan tuví', rá 'unj a ma'. Maan se 'o cuyaqan vaa cunudanj yuvij rihaan Diose nanj adonj. Dan me se nij síi uun chij yo' ro', ne cataj xna'anj nij so' a doj nana rihaan 'unj ma'. Maan se cunaj vaa nana ca'mii natáj 'unj, taj nij so' a.

<sup>7-8</sup> Dan me se Diose me síi qui'yaj guun nucuaj síi cu'naj Pedró nata' so' se-nanq Diose nana sa' rihaan nij yuvij israelitá, ne danj qui'yaj guee Diose ga 'unj uún, ne dan me se guun nucuáá 'unj nata' 'unj se-nanq Diose nana sa' rihaan nij yuvij yaníj, qui'yaj Diose, ne che'é dan me xcaj nij síi uun chij man Jerusalén cuentá se vaa ne cachijin doj nana man 'unj a. Maan se ase vaa atá síi cu'naj Pedró suun nata' rihaan nij yuvij israelitá, qui'yaj Diose ro', danj vaa atá 'unj suun nata' rihaan nij yuvij yaníj, qui'yaj uún Diose a. <sup>9</sup> Ne quene'en síi cu'naj Santiago do', síi cu'naj Pedró do', síi cu'naj Juan do', se vaa qui'yaj ndo'o Diose se luj che'é 'unj do', che'é síi cu'naj Bernabé do', se vaa guun nucuáá 'unj nata' 'unj se-nanq Diose nana sa' rihaan yuvij, qui'yaj Diose, ne guun ya nu' rá nij so' se vaa Diose me síi ca'ne' suun rihaan nuj ei. Dan me se síi uun chij rihaan nij síi cuchumán rá ni'yaj man Jesucristó man Jerusalén me nij so', tzaj ne guun ya rá nij so' se vaa tuví' ma'an nij so' me nuj, ne 'o cuyaqan vaa suun vaa rihaan nuj ga suun vaa rihaan nij so', rá nij so' a. Dan me se ne

nata' nij so' se-nanq Diose nanq sa' rihaan nij yuvii israelitá, ne tananq nuj uún, ne natq' nuj rihaan nij síi yaníj, cataj nij so' uún a. <sup>10</sup> Tzaj ne orún' ya rasun me cachín ni'yaj ndo'o nij so' rihaan nuj se vaa asino nij síi niqe me racyuij nuj, taj nij so' a. Tzaj ne tumé ndo'o nuj man nij síi niqe, ne asino yo' me 'yaj nuj chéé nuj ei.

*Nanq nihánj taj xna'anj che'é nanq cataj xna'anj  
Pabló rihaan síi cu'naj Pedró, se vaa inanj che'é  
Jesucristó cunuu sq' ní' rihaan Diose a*

<sup>11</sup> Cachén doj güii, gaa ne cuchi' síi cu'naj Pedró chuman' cu'naj Antioquía a. Tzaj ne qui'yaj so' doj se nij, ne tumé so' cacun' che'é se nij qui'yaj so', rá 'unj, ne che'é dan ca'mii rihaqan yaj gaa so' rihaan cunudanq yuvii, ne cataj 'unj se vaa tumé so' cacun' che'é se vaa qui'yaj so' a. <sup>12</sup> Dan me se gaa ca'na' so' chuman' Antioquía, ne xcaj so' cuentá se vaa ca'vee chaa so' chraa gaa nij yuvii yaníj, ne danj qui'yaj so', ne chá so' chraa gaa nij so' chuguaj. Tzaj ne gaa namán nij síi ca'na' suun qui'yaj síi cu'naj Santiagó chuman' nihánj, gaa ne cuchu'vi' Pedró ca'mii nij síi man Jerusalén síi taj se vaa no' xcúún cunudanq nij snó'o nocó' man Diose cata' ta'nga' man nij so' a. Dan me se chu'vi' Pedró se vaa xcaj nij so' cuentá se vaa chá so' chraa gaa nij yuvii yaníj, ne cataj nij so' se vaa ne no' xcúún so' qui'yaj so' danj, rá so', ne che'é dan me ca'ne' rá so' ga rej chá chraa gaa nij yuvii yaníj, ne naxuun yaníj so' man so' rihaan nij yuvii yaníj nanq adonj. <sup>13</sup> Quene'en ma'an so' se vaa ca'vee chaa so' chraa gaa nij yuvii yaníj, tzaj ne nuveé sij 'o vaa rá gaa nana'a'mii me so' a ma'. Ne ase vaa qui'yaj so' ro', ta'nga'

danj qui'yaj uún taran' nij yuvii israelitá, n̄e ndaa síi cu'naj Bernabé qui'yaj cacun' ḡa nij so' se vaa ca'ne' rá so' ḡa rej chá chraa ḡa nij yuvii yaníj nān̄ adonj.

<sup>14</sup> Dan me se xcaj 'unj cuentá se vaa ne raan noco' nij so' se-nān̄a Diose nan̄a ya ma'. Dan me se ca'mii yá 'unj rihaan Pedró, n̄e cuno taran' nij so', n̄e cataj 'unj:

—Síi israelitá mé so', tzaj n̄e ne nocó' so' tucuáán noco' nij yuvii israelitá ma'. Maan se ase vaa 'yaj nij yuvii yaníj ro', danj vaa 'yáá so' chuguanj. Me che'é qui'yáá so' fuerzá man nij yuvii yaníj canoco' nij yuvii yaníj tucuáán noco' nij yuvii israelitá ḡa. <sup>15</sup> Dan me se yuvii israelitá me ní' á. Nuveé yuvii yaníj yuvii 'yaj ndo'o cacun' me ní' ma'. <sup>16</sup> Tzaj n̄e ne'en ní' se vaa nda' se ve'é noco' yo'qo so' se-tucuānj Moisés, tzaj n̄e se cunuu sa' ma'an so' rihaan Diose ma'. 'Q se cunuu sa' ya so' rihaan Diose sese cuchumān rá so' n̄i'yaj so' man Jesucristó adonj. Dan me se cuchumán rá ma'an ní' ni'yaj ní' Jesucristó, yan cunuu sa' ní' rihaan Diose, tzaj n̄e se cunuu sa' ní', qui'yaj se-tucuānj Moisés ma'. Inān̄ danj taj danj Diose á. A 'ó yuvii se cunuu sa' rihaan Diose qui'yaj se-tucuānj Moisés ma', taj uún danj Diose adonj. <sup>17</sup> 'Q se ní' me se canoco' ní' man Jesucristó, ḡaa n̄e ca'vee x'née cacun' xráá ní' qui'yaj so', rá ní', tzaj n̄e 'o se veé danj 'yaj ní' cacun' ta' rasuun chiha'. Me che'é 'yaj ní' danj ḡa. 'Q se Cristó me síi ca'ne' suun qui'yaj ní' cacun', rá so' na'. Taj ma!. —Nu' nan̄a nihán̄j me nana ca'mii 'unj rihaan síi cu'naj Pedró adonj.

**18** Dan me se ma'án 'unj me síí tiri' chrej canoco' se-tucuānj Moisés, nē veé dan, gaa nē sese guun che'ē uún 'unj naqui'yaj sa' uún 'unj man chrej yo', nē dan me se ma'an inanj yá 'unj me síí tumé cacun' gaa nān̄ adonj. **19** Asij rque me se canocó' 'unj tucuáán yo', tzaj nē quirí' rá 'unj, qui'yaj tucuáán yo', nē yaj me se ase vaa cavi' Jesucristó rihaan rcutze ro', dān̄ vaa caví' 'unj rihaan tucuáán yo' chuguānj. Nē yaj me se inanj che'ē Diose gaa i'na' 'unj ei. **20** Che'ē se amán rá 'unj ni'yaj 'unj Jesucristó ro', mān̄ che'ē dan vaa i'na' 'unj ei. Yaj me se nuvē 'unj me síí yan̄ cuanō ma'. 'Q se Jesucristó me síí yan̄ nimanj, nē che'ē dan vaa i'na' 'unj cuanō ei. Che'ē se amán rá 'unj ni'yaj 'unj man ta'níí Diose ro', che'ē dan inanj nocó' 'unj man so' gaa chéé 'unj rihaan chumij nihánj adonj. Nē dan me se mān̄ che'ē se cunuu 'ee uxrá rá so' mán 'unj ro', che'ē dan ca'ne' guęę rá so' cavi' so' rihaan rcutze che'ē 'unj nān̄ adonj. **21** Nē na'vej rá 'unj tānāj yan̄ 'unj se lūj qui'yaj Diose che'ē 'unj ma'. 'Q se vaa che'ē ya qui'yaj Diose se lūj adonj. Dan me se sese ca'vee ya navij cacun' che'ē qui'yaj se-tucuānj Moisés, gaa nē cavi' uún ma'an Jesucristó vaa gāa aj na'. Taj ma'. 'Q se ne cavi' uún so' mei.

### 3

*Nana nihánj taj xna'anj se vaa inanj che'ē se amán rá ní' ni'yaj ní' man Jesucristó, che'ē dan yan̄ Nimán Diose ga ní' a*

**1** Síí nij snúú rma'an ya me soj sij mān estadó Galacia nān̄ chuguānj. Me che'ē guun rá soj tānāj soj tucuáán sa' ga. Vaa síí qui'yaj chreē man soj

na'. Nuveé se sa' uxrá nata' nii rihaan soj se vaa cavi' Jesucristó rihaan rcutzé che'é soj á. <sup>2</sup> 'Q se me rá 'unj xnä'anj 'unj 'o nanä man soj chuguänj. Che'é se canoco' nij soj se-tucuänj Moisés me yáán Nimán Diose ga soj na'. Ase che'é se amán rá soj cuno soj se-nanä Jesucristó me yáán Nimán Diose ga soj xa'. <sup>3</sup> 'Q se síí nij snúú rma'an ya me soj nanj chuguänj. Gaa guun che'é soj canoco' soj man Jesucristó, né guun nucuaj rá soj man Nimán Diose se vaa räcuíj Nimán Diose man soj, tzaj né yaj me se nucuaj rá soj man ma'an soj se vaa cunu sa' soj qui'yaj ma'an soj nanj ason. <sup>4</sup> Nu' se sa' qui'yaj Diose che'é soj gaa canoco' nacä soj man Jesucristó ro', taj yu'vee nó yo', qui'yaj soj a a' man ason. Ya aq aq na'. Ne cuchumán ya raj se vaa qui'yaj soj a mei. <sup>5</sup> Gaa rqué Diose Nimán so' rihaan soj qui'yaj ndo'o soj rasuun sa', gaa né me che'é qui'yaj Diose dänj, rá soj ga. Che'é se canoco' soj se-tucuänj Moisés me qui'yaj Diose dänj na'. Taj mei. Dan me se che'é se amán rá soj ni'yaj soj man Jesucristó me qui'yaj Diose dänj chuguänj.

<sup>6</sup> Dan me se ase vaa qui'yaj síí cu'naj Abraham síí cayáán gaa naá ro', inanj dänj qui'yaj soj ei. Dan me se síí cu'naj Abraham ro', me se cuchumán rá so' ni'yaj so' Diose, né che'é dan cataj Diose se vaa sij sa' me Abraham, né cunu sa' so' rihaan Diose á. Inanj dänj a'mii danj Diose adonj. <sup>7</sup> Che'é dan xcaj soj cuentá se vaa ní' sij amán rá ni'yaj man Diose me se ase vaa síí cu'naj Abraham ro', ta'nga' dänj vaa ma'an ní' chuguänj.

<sup>8</sup> Dan me se gaa naá ne'en Diose se vaa cuchumán rá nij yuvij yaníj ni'yaj nij so' man

Diose, ne ne'en Diose se vaa cunuu sa' nij so' rihaan Diose, qui'yaj ma'an Diose, ne che'é dan me nata' Diose se-nana Diose nanaq sa' rihaan Abraham, cataj Diose:

—Che'é se vaa qui'yáá so' ro', che'é dan me qui'yáá 'unj se luj che'é taran' nij yuviij adonj —taj Diose rihaan síí cu'naj Abraham asij taj vaj a 'ó yuviij ne'en se-nanaq Diose nanaq sa', ne nu'u nanaq yo' nanaq ca'mii Diose rihaan síí cu'naj Abraham ro', canó nanaq yo' rihaan danj Diose a.

<sup>9</sup> Dan me se cuchumán rá Abraham ni'yaj so' Diose, ne qui'yaj Diose se luj che'é so', ne ase vaa qui'yaj Diose che'é síí cu'naj Abraham ro', danj qui'yaj uún Diose che'é taran' nij síí cuchumán rá ni'yaj man so', ne qui'yaj uún Diose se luj che'é nij so' adonj.

*Nana nihánj taj xna'anj se vaa se ca'vee cunuu sa' ní' rihaan Diose, qui'yaj se-tucuanj Moisés a ma'*

<sup>10</sup> Tzaj ne a'mii uún danj Diose che'é yuviij nucuaj rá man se-tucuanj Moisés, taj yo': "Sese se qui'yaj yo'o so' cunudanj nij nanaq noo rihaan danj Diose nanaq cataj xna'anj Moisés ro', ne so' me síí cachran' xna'anj ni'yaj rihaan Diose á", taj danj Diose, ne a 'ó yuviij se guun nucuaj qui'yaj nu'u se-tucuanj Moisés a ma'. Che'é dan me taran' nij yuviij nucuaj rá man se-tucuanj Moisés ro', quiran' nij so' sayuun, qui'yaj Diose adonj. <sup>11</sup> Tzaj ne: "Síí amán rá ni'yaj man Diose ro', me se cunuu sa' so' rihaan Diose, ne cayáán so' gag Diose nu'u cavii nu'u ca'anj a", taj uún danj Diose, ne che'é dan me ne'en ní' se vaa inanj nij yuviij amán rá ni'yaj man Diose me yuviij cunuu sa' rihaan Diose á. Se cunuu sa' nij

yuvij nucuaj rá man se-tucuānj Moisés ma'. <sup>12</sup> Dan me se xaq' se-tucuānj Moisés, tzaj ne ne che'ē yan cuchumān rá' me nanj' rihaan sayuun ma'. Māqan che'ē yan qui'yá' nu rasuun taj tucuáán yo' me nanj' rihaan sayuun, taj se-tucuānj Moisés nanj adonj.

<sup>13</sup> Dan me se gaa naá me se ne guun nucuaj ní qui'yaj ní nu se-tucuānj Moisés ma'. Che'ē dan me sij cachran' xna'anj ni'yaj me ya ní gaa rque, tzaj ne cavi' Jesucristó rihaan rcutze che'ē ní, ne guun so' síí cachran' xna'anj ni'yaj che'ē ní, ne che'ē dan se quiran' ma'qan ní sayuun daj chihaa míj a man chuguānj. "Síí aj noco' rihaan rcutze me síí cachran' xna'anj ni'yaj rihaan Diose", taj danj Diose á. Dan me se guun Jesucristó 'o síí cata se-cacun' cunudanj ní nago' so' nu' nij cacun' yo' rihaan rcutze, ne cuano nihánj me se síí vaa uun xráá me ní cuano ei. <sup>14</sup> Ndäa síj, gaa ne se luq' cata' tu'va Diose rihaan síí cu'naj Abraham ro', ca'na' se luq' yo' ndäa rihaan nij yuvij yaníj, che'ē se vaa qui'yaj Jesucristó a. Dan me se gaa naá, ne cata' tu'va Diose se vaa catuq' Nimán Diose nimán ní, ne cuchumán rá ní ni'yaj ní man Diose, ne che'ē dan catúj ya Nimán Diose nimán taran' ní cuano ei.

*Nanq nihánj taj xna'anj se vaa cata' tu'va Diose rihaan síí cu'naj Abraham cataj Diose se vaa rque ndo'o Diose se sa' rihaan nij ta'núi ta'nij si'nqo Abraham a*

<sup>15</sup> Ne ca'mii 'unq che'ē ndäa vaa 'yaj nij síí man rihaan yo'óó nihánj, tinuj, nocoj. Sese vaa vij roj so' numíj nanq, ne asaq' quisíj numíj roj so' nana, gaa ne naxcaj roj so' 'o yanj a'mii che'ē ndäa vaa

qui'yaj roj so', gaa nē dan me se ndāa vaa taj yanj naxcaj roj so' ro', 'yaj roj so' a. Sē guun ca'nē' rá roj so' ma'. <sup>16</sup> Nē dan me se ta'nga' dānj qui'yaj gueqe Diose ga síi cu'naj Abraham, nē dan me se cunumíj roj so' nanā ndāa vaa qui'yaj Diose ga síi cu'naj Abraham a. Dan me se cataj Diose se vaa cavii sa' so' do', cavii sa' ta'níi ta'nij si'no so' do' a. (Dan me se dānj a'mii danj Diose, tzaj nē ne cataj Diose se vaa cavii sa' que'ee ta'níi ta'nij si'no síi cu'naj Abraham ma'. 'Q se che'é orún' ta'níi ta'nij si'no síi cu'naj Abraham ca'mii danj Diose adonj. Nē síi cu'naj Jesucristó me síi cavii sa' nanj adonj.)

<sup>17</sup> Nē inānj nihánj me nanā me rá 'unj cataj xna'anj 'unj rihaan soj ei. Dan me se Diose cataj rihaan síi cu'naj Abraham dāj qui'yaj Diose che'é Abraham do', che'é ta'níi ta'nij si'no Abraham do', nē cachén yo'ó ca'anj cientó táá yo'ó ico chī' yo', gaa nē rqué Diose se-tucuanj Moisés, tzaj nē ne quiri' nanā cata' tu'va Diose qui'yaj Diose che'é síi cu'naj Abraham qui'yaj se-tucuanj Moisés ma!. 'Q se ya' qui'yaj so' ndāa vaa cataj so' adonj. <sup>18</sup> Dan me se sese che'é se-tucuanj Moisés me rqué Diose rasuun sa', gaa nē nuveé che'é yan cata' tu'va so' rqué so' rasuun sa' asij naá me yo' gaa a ma'. Māan se ca'mii uun so' vaa gaa nanj adonj. Tzaj nē sese inānj nij síi nocó' se-tucuanj Moisés me síi nícaj nij rasuun sa' yo', gaa nē taj yu'vee nó nanā cata' tu'va Diose rihaan Abraham gaa naá vaa gaa a ma'. Tzaj nē ne vaa dānj a ma'. 'Q se che'é nanā ca'mii Diose rihaan Abraham me nícaj ní' nij rasuun sa' ei. Dan me se quiri' uun ní' nu' nij rasuun sa' yo', qui'yaj Abraham chuguanj. Nē a doj sa'anj ne cüru'vee ní' che'é nu' rasuun sa' yo' a ma'.

*Nana nihánj taj xna'anj se vaa rqué Diose se-tucuanj Moisés che'é yan xcaj yuvii cuentá se vaa síi tumé ndo'o cacun' me yuvii a*

**19** Dan me se sese dānj vaa, gaa né me che'é rqué Diose se-tucuanj Moisés, rá soj ga. Rqué Diose tucuáán yo' rihaan Moisés che'é cacun'tumé yuvii, né me rá Diose canoco' yuvii tucuáán yo' ndāa se ca'nā' ta'níí ta'nij si'nō Abraham síi cu'naj Jesucristó rihaan chumii nihánj, gaa né so' ro', me síi rque nu' nij rasuún sa' rihaan yuvii, ndāa vaa cataj Diose rihaan síi cu'naj Abraham gaa naá ei. Dan me se guun rá Diose se vaa gaa ca'nā' Jesucristó, ne ca'nē' rá yuvii gā se-tucuanj Moisés yo' adonj. Tzaj né se-mozó Diose me nij síi cataj xna'anj tucuáán yo' rihaan síi cu'naj Moisés, gaa né cataj xna'anj so' tucuáán yo' rihaan nij yuvii a. Dan me se cataj xna'anj Moisés rihaan nij yuvii, **20** tzaj né gaa ca'mii Diose rihaan síi cu'naj Abraham, ne ma'an ya so' ca'mii adonj. Taj vaj síi ca'mii che'é Diose ma!. Taj vaj síi cataj xna'anj rihaan Diose daj me rá síi cu'naj Abraham ma!. Maan se ma'an ya so' me síi ca'mii gā síi cu'naj Abraham, ése orún' ya so' me Diose nānj adonj.

**21** Tzaj né taj ri'yunj se-tucuanj Moisés man nana cata' tu'va Diose rihaan Abraham gaa naá, rá soj na'. Daj chihāq míj ne vaa dānj ma'. Tzaj né sese guun nucuaj yuvii qui'yaj yuvii 'o tucuáán rqué Diose, né ya cunuú sa' yuvii rihaan Diose, qui'yaj tucuáán yo' ei. Tzaj né se guun nucuaj yuvii qui'yaj yuvii tucuáán vaa dānj ma!. **22** Che'é dan me taj danj Diose se vaa cunudānj yuvii tumé ndo'o cacun' nānj adonj. Inānj dānj vaa tumé

taran' yuvijcacun', taj danj Diose, n̄e che'é dan me nanq̄ cata' tu'va Diose rihaan s̄í cu'naj Abraham ro', quisij yq̄ nu' nanq̄ yo' che'é taran' n̄í' sij amán rá n̄i'yaj man Jesucristó adonj.

*Nanq̄ nihánj taj xna'anj se vaa gaa ca'na' Jesucristó, n̄e taj che'é canoco' n̄í' se-tucuanj Moisés a man adonj*

<sup>23</sup> Tzaj n̄e gaa ataa doj quisij güii cuchumān rá n̄í' n̄i'yaj n̄í' man Jesucristó, n̄e inanj se-tucuanj Moisés canoco' n̄í', n̄e ase vaa 'o s̄í tumé man n̄í' ro', danj vaa se-tucuanj Moisés rihaan n̄í' gaa rque ei. Inanj se-tucuanj Moisés vaa rihaan n̄í' canoco' n̄í' ndaq̄ se ca'na' güii tihaq̄ Diose rihaan n̄í' se vaa cuchumān rá n̄í' n̄i'yaj n̄í' man Jesucristó a. <sup>24</sup> Dan me se ase vaa s̄í tumé man xnii daj qui'yaj xnii ro', ta'nga' danj vaa se-tucuanj Moisés rihaan n̄í' gaa rque, cutumé yo' man n̄í' ndaq̄ se ca'na' Jesucristó ei. Ndq̄a sij, gaa n̄e no xcúún n̄í' cuchumān rá n̄í' n̄i'yaj n̄í' man so', n̄e ca'vee cunuq̄ sa' n̄í' rihaan Diose adonj. <sup>25</sup> Cuano ro', nihánj me se aj cuchumān rá n̄í' n̄i'yaj n̄í' man Jesucristó, n̄e che'é dan me taj che'é tumé se-tucuanj Moisés man n̄í' a ma'.

<sup>26</sup> Che'é se amán rá nij soj ni'yaj soj man Jesucristó ro', che'é dan ta'níí Diose me taran' soj cuano nānj adonj. <sup>27</sup> Dan me se che'é se cata' ne soj che'é Jesucristó ro', che'é dan me ase vaa Jesucristó ro', ta'nga' danj vaa soj cuano nānj ei. <sup>28</sup> N̄e se cataj soj se vaa ta'aj soj me yuvij israelitá n̄e yo'ó ta'aj soj me yuvij yaníj ma'. N̄e se cataj soj se vaa ta'aj soj me mozó n̄e yo'ó ta'aj soj, nuveé sij uun mozó me yo'ó ta'aj soj, cataj soj ma'. N̄e se

cataj soj se vaa ta'aj soj me snó'o n̄e yo'ó ta'aj soj me chanq̄ ma'. 'Q se tanq̄nj ase vaa orún' yuvij̄ vaa taran' soj, n̄e 'o cuyaq̄an vaa taran' soj che'é se noc̄o' soj man Jesucristó n̄anj ei. <sup>29</sup> Che'é se sij̄ noc̄o' man Jesucristó me soj ro', che'é dan ma'an ya ta'níí ta'nij si'nq̄o sí cu'naj Abraham me soj rihaan Diose, nd̄aa vaa cataj Diose rihaan síí cu'naj Abraham se vaa rque so' rasuun sa' rihaan taran' nij ta'níí ta'nij si'nq̄o síí cu'naj Abraham adonj.

## 4

<sup>1</sup> N̄e ne'en soj daj vaa xnii, se vaa vaa güii, n̄e guun si'yaj xnii nu' rasuun m̄an tucuá rej xnii ei. Tzaj n̄e ḡa xnii me so', n̄e ase vaa mozó ro', d̄anj vaa so' tucuá rej so' ḡaa yáán rej so' ei. <sup>2</sup> Dan me se vaa yuvij̄ tumé man xnii daj qui'yaj xnii, n̄e inq̄anj d̄anj vaa tumé nii man xnii nd̄aa se cachij̄ ya xnii, ḡa n̄e vaa güii ca'vej rá rej xnii quita'aa xnii rasuun m̄an tucuá xnii ei. <sup>3</sup> N̄e ase vaa xnii ataa cachij̄ ro', ta'nga' d̄anj vaa ma'an ní' ḡaa rque, n̄e inq̄anj ne'en ní' canoc̄o' ní' man nij ya'anj uun chij rihaan chumij̄ nihánj a.

<sup>4</sup> Tzaj n̄e quisíj güii me rá Diose rque Diose nu' se sa' rihaan ní', n̄e che'é dan ca'néé Diose ta'níí so' ca'na' ta'níí so' rihaan chumij̄ nihánj, n̄e cuchruij 'o chanq̄ man ta'níí Diose, n̄e síí noc̄o' se-tucuq̄nj Moisés me nu' nij tuví' so' ḡaa cayáán so' rihaan chumij̄ nihánj adonj. <sup>5</sup> Dan me se me rá Jesucristó räcuíj so' man taran' ní' sij̄ noc̄o' tucuáán noc̄o' yuvij̄ m̄an rihaan chumij̄ nihánj, se vaa ca'vee tanáj ní' tucuáán noc̄o' yuvij̄ m̄an rihaan chumij̄, n̄e nicaj ní' nu' se sa' me rá Diose rque Diose rihaan ta'níí Diose ei. N̄e d̄anj me rá Jesucristó

qui'yaj so' che'é ní' chuguānj. <sup>6</sup> Cuano nihánj me se ta'níí Diose me nij soj ei. Che'é dan ca'néé Diose man Nimán ta'níí so' nimán ní', né che'é dan me: "Ataj chij. Rej núj mé so' á", taj ní', aguáj ní', 'yaj Nimán ta'níí so' ei. <sup>7</sup> Che'é dan me nuveé mozó me soj rihaan Diose cuano nihánj ma'. Ase vaa mozó vaa soj gaa rque, tzaj né xá' yaj, nahuun soj ta'níí Diose, né vaa güii nacaj soj nū' se sa' rque Diose rihaan nij ta'níí so' adonj.

*Nanq nihánj taj xna'anj se vaa ne nó xcúún ní'  
qui'yaj ní' tucuáán nocó' yuvíi man rihaan chumíi  
nihánj cuano mei*

<sup>8</sup> Gaa rque me se ne ne'en ya soj daj vaa Diose ma'. Che'é dan me qui'yaj suun soj rihaan ya'anj uun chij rihaan rasuún mān rihaan chumíi nihánj, tzaj né nuveé ya'anj ya me nij ya'anj qui'yaj suun soj rihaan ma'. <sup>9</sup> Tzaj né cuano nihánj me se ne'en nij soj man ma'an ya Diose ei. Tzaj né sa' doj cataj 'unj se vaa ne'en Diose man nij soj chuguānj. Sese aj ne'en soj man ma'an ya Diose, gaa né me che'é canicaj uún soj canoco' soj man nij ya'anj uun chij rihaan rasuún mān rihaan chumíi nihánj ga. Ne'en soj se vaa sē guun nucuaj nij so' räcuíj nij so' man soj ma!. Taj yu'vee a 'ó xco' nó ma'an nij so' ma!. Me che'é me rá uún soj qui'yaj suun soj rihaan nij so' ga. <sup>10</sup> Né navij rá soj güii gueé do', navij rá soj cha'anj che'é 'o 'o yavii do', vaa dió gueé rihaan soj do', vaa yo' gueé rihaan soj do' ga. Me che'é 'yaj soj dānj ga. <sup>11</sup> Nanó ndo'o rá 'unj se vaa 'yaj soj, né nanó rá 'unj se vaa quirí' rma'an nū' suun qui'yaj suun 'unj tucu'yón 'unj se-nana Diose nana sa' man nij nānj chuguānj.

*Nanq nihánj taj xna'anj se vaa nanó rá Pabló che'é se tanáj nij síí man Galacia nanq tucu'yón so' man nij so' a*

<sup>12</sup> Ase vaa 'unj ro', dānj gaa gueé soj, ése ndāa adi' se vaa soj ro', dānj vaa gueé 'unj, tinuj, nocoj. Che'é dan me daj se 'yaj guej cuano ro', dānj qui'yaj gueé soj ei. Nuveé che'é se qui'yaj chi'iij soj manj ma'. Tananj a, ne inanj ve'é qui'yaj soj gaa cayáán 'unj ga soj ei. <sup>13</sup> Aj ne'en soj se vaa che'é se canó chi'iij manj, che'é dan natá' 'unj se-nanq Diose nanq sa' rihaan soj gaa asino yaan ei. <sup>14</sup> Né gaa quirán' 'unj rihaan soj me se ne nachri' soj ni'yaj soj manj ma'. Tananj a, né caráya'anj ndo'o soj ni'yaj soj manj, né ndāa adi' ve'é 'yaj nii ga 'o se-mozó Diose ro', dānj qui'yaj soj, gaa né ve'é ndo'o ca'mii soj gaj ei. Né ase vaa ma'ān ya Jesucristó ro', ta'nga' dānj vaa 'unj, rá soj, <sup>15</sup> né che'é dan me guun niha' uxrá rá nij soj né ve'é uxrá cuno soj nanq ca'mij, né cunu 'ee uxrá rá soj manj nānq adonj. Dan me se cataj yá'ta' asuun, né sese guun nucuaj nij soj quirii soj rlij rihaan soj cunuú yo' rihanj, né ca'vej rá soj qui'yaj soj dānj, ndā' rasuun nanj chuguānj. Tzaj né yaj me se me che'é ne niha' rá soj gaa uno soj nanq a'mij cuano ga. <sup>16</sup> Maān che'é se ca'mij nanq ya ya rihaan soj, che'é dan mej síí taj ri'yunj man soj, rá soj nānq na'. Taj ma'.

<sup>17</sup> Dan me se aráya'ānj uxrá yo'ó nij so' man soj, tzaj né ne cunaj daj chihāq míj 'yaj nij so' ma'. Maān se me rá nij so' tanáj xco soj nanq nocō' ní sij amán rá ni'yaj man Jesucristó, né inanj ma'ān nij so' canoco' soj, rá nij so' nānq adonj. <sup>18</sup> Sese ve'é

'yaj yuvij ga soj, ne cunaj uxrá sese caraya'anj nij yuvij man soj, rá 'unj á. Tzaj ne yo'ó dānj qui'yaj nij so', sese ya me sa' rá nij so' ni'yaj nij so' man nij soj ei. Tzaj ne taj ma'. Me che'é gaa yáán 'unj ga soj, gaa ne uun che'e nij so' 'yaj nij so' se sa' ga soj ga. Nuveé se sa' 'yaj nij so' ga soj man chuguānj.

<sup>19</sup> Dan me se ase vaa ta'níí 'unj ne'ej ro', dānj vaa nij soj, tinuj, nocoj. Cuano nihánj me se uun che'e uún 'unj nanó ndo'o raj che'é soj ndāa vaa nanó raj gaa rque, ne me rá 'unj se vaa nari' sa' ya soj se-naná Diose naná sa' ya ei. Dan me se ase vaa nanó rá chanq nichrun' cuchruj ne'ej che'é se ne ne'en no' sese ca'ngaaq sa' ta'níí no' ro', dānj vaa nanó rá 'unj che'é soj cuano chuguānj. Ne veé inanj dānj nanó ndo'o rá uún 'unj che'é nij soj ndāa nari' ya ya soj ndāa vaa qui'yaj ma'an ya Jesucristó nanj ei. <sup>20</sup> 'Q se 'vee, ne ndāa cuano cayáán yá 'unj ga soj, gaa ne ca'mij ma'an yá 'unj ga soj, raj ei. Tzaj ne ne ne'en yaj daj nanq raj che'é soj a mei.

*Naná nihánj taj xna'anj se vaa sese nocó' ní' se-tucuanj Moisés, ne mozó me ní', ne ne nó xcúún ní' qui'yaj ní' dānj q ma'*

<sup>21</sup> Me rá 'unj cataj ya soj 'o naná rihanj ei. Me rá nij soj canoco' soj se-tucuanj Moisés, tzaj ne ne'en soj daj taj nanq cachrón Moisés rihaan yanj yo'na'.

<sup>22</sup> Dan me se cachrón Moisés nanq nihánj rihaan yanj, se vaa vaa vij ta'níí síí cu'naj Abraham sno'o cunii, ne yo'ó ta'níí so' me ne'ej cuchruj mozó chanq nuyu rihaan so', ne yo'ó ta'níí so' me ne'ej cuchruj ma'an nicq so'a. Xaq'nicq so', tzaj ne nuveé mozó me chanq nicq so' ma'. Nicq ya so' me yo' adonj. <sup>23</sup> Dan me se ne'ej cuchruj mozó chanq ro',

me se ase vaa a'ngaa naj guun ne'ej ro', dānj vaa ca'ngaa so' a. Tzaj nē xā' ne'ej cuchruj ma'ān nicā Abraham, tzaj nē aj cata' tu'va Diose dāj qui'yaj Diose che'é so' asij gāa ataa ca'ngāq so' a.

**24-25** Nē ase vaa cuentó che'é roj chanā cuchruj ne'ej ro', dānj vaa yo'ó nanā tucu'yón ní', rá 'unj, nē ase vaa roj chanā ro', dānj vaa vij nanā cataj xna'anj Diose rihaan yuvij a. Dan me se yo'o chanā me se-mozó Abraham, nē Agar cu'naj se-chuvij no', nē ase vaa mozó chānā cu'naj Agar ro', ta'nga' dānj vaa nanā cataj xna'anj Diose rihaan síi cu'naj Moisés gāa ca'mii Diose gā Moisés xráá quij xcān cu'naj Sinaí a. Se-tucuanj Moisés me nanā yo', nē ase vaa mozó ro', dānj vaa yuvij noco' nanā yo' a. Nicūn' quij xcān cu'naj Sinaí rej cu'naj Arabia, tzaj nē ase vaa chanā cu'naj Agar ro', ta'nga' dānj vaa nij yuvij mān chuman' Jerusalén cuano a. Dan me se taran' nij yuvij mān chuman' Jerusalén me yuvij israelitá yuvij noco' se-tucuanj Moisés, nē ase vaa mozó ro', dānj vaa taran' nij so' nānj ei. **26** Tzaj nē síi mān yo'ó chuman' Jerusalén chuman' naj rej xta' me ní', nē nuveé mozó me ní' ma'. 'O se aj guun nij ní' man chuman' Jerusalén naj rej xta' adonj.

**27** Nihánj me nanā no rihaan danj Diose a: "Gāa niha' nimán so', chānā itūn á. Ataa cuchruj so' ne'ej, tzaj nē gāa niha' uxrá nimán so' á. 'O ruún so' cuano, tzaj nē vaa güii, nē doj a gāa ta'níí so' rihaan ta'níí chanā otoj gā snó'o adonj". Inānj dānj a'mii danj Diose che'é nicā Abraham chanā cuchruj man síi cu'naj Isaac a.

**28** Nē ase vaa ta'níí no' síi cu'naj Isaac ro', ta'nga' dānj vaa nij soj, tinuj, nocoj. Soj me ne'ej se vaa

cataj ya Diose ca'ngaa ya ei. Né ase vaa cavii sa' síí cu'naj Isaac ro', dānj cavii sa' soj uún ei. <sup>29</sup> Ne'en nij soj se vaa xnii ca'ngaa ma'an ta'níí yo'ó chanā ro', me se taj ri'yunj ndo'o so' man ne'ej tucuā ya ve' chuguānj. Dan me se ta'nga' dānj ran' guee ní' cuano nihánj, né dan me se 'yaj ndo'o nij yuvii nocō' ma'an se-tucuānj Moisés sayuun man ní' sij cunuu sa' nimán che'é Nimán Diose chuguānj.

<sup>30</sup> Tzaj ne xcaj ní' cuentá me taj danj Diose ei. Dan me se taj yo' se vaa: "Quirii so' man roj ta'nij mozó chanā ca'anj yaníj roj ta'nij no' á. 'Q se orún' ta'níí nicā so' níí ne uun mozó me síí guun síí si'yaj nu' si'yáá so' vaa güii ei. Né xa' ta'níí chanā uun mozó, tzaj né daj chihāq míj ne nó xcúún ta'níí mozó chanā yo' quiri' yo' ta'aj si'yáá so' ma!". Dan me se dānj vaa nanā ca'mii Diose rihaan Abraham nanā no' rihaan danj Diose a. <sup>31</sup> Dan me se nuveé ta'nij mozó chanā me ní', man tinuj, man nocoj. Nuveé yuvii 'yaj suun ndo'o canocō' se-tucuānj Moisés me ní' ma'. Māqan se ase vaa ta'níí chanā ne uun mozó ro', dānj vaa ní', né a 'ó tucuáán ne nó xcúún ní' canocō' ní' a ma'.

## 5

<sup>1</sup> Māqan se aj ca'néj Jesucristó nu' suun taj xráá ní', né che'é dan vaa ya'núj rihaan ní' canocō' ní' man Diose cuano ei. Che'é dan me ca'nej nucuaj soj nimán soj, né se ca'vej uún soj qui'yaj suun soj suun uun mozó a ma'. Se guun rá soj canocō' soj nu' se-tucuānj Moisés a ma'.

*Nanā nihánj taj xna'anj se vaa taj che'é cuta' níi ta'nga' man neq man ní' ma'*

<sup>2</sup> Xcaj nij soj cuentá se vaa nihánj me nanq̄ taj xna'anj ma'án 'unj sij cu'naj Pabló rihaan soj ei. Dan me se sese cutaq̄ nii ta'nga' man soj, ne taj yu'vee nó Jesucristó rihaan soj vaa gaaq̄ a ma'. <sup>3</sup> Nihánj me cataj xna'anj uún 'unj rihaan soj se vaa taran' nij snó'o a'vej rá cutaq̄ nii ta'nga' man ro', no xcúún nij so' canoco' nij so' nu' se-tucuānj Moisés adonj. <sup>4</sup> Ta'aj nij soj me rá canoco' se-tucuānj Moisés, ne cunuu sa' nij so' rihaan Diose, rá nij so', tzaj ne nuveé sij nocó' man Jesucristó me síí 'yaj danj ma'. 'Q se síí tanáj xco se luj qui'yaj Diose che'é ní' me nij so' adonj. <sup>5</sup> Xa' ní', tzaj ne nuu Nimán Diose nimán ní', ne amán rá ní' ni'yaj ní' man Jesucristó, ne che'é dan me guun ya rá ní' se vaa vaa güii cunuu sa' ní' rihaan Diose, ne yo'o na'vij ní' ndaq̄ se quisij ya güii yo' adonj. <sup>6</sup> Xa' ní' sij nocó' man Jesucristó me se taj se 'yaj sese quitaj ta'nga' man ní', taj se 'yaj sese se quitáá ta'nga' man ní', taj se 'yaj ma'. 'Q se amán rá ní' ni'yaj ní' man Jesucristó, ne che'é dan cunuu 'ee rá ní' ni'yaj ní' man tinúú ní', ne che'é roj yo' me cavii sa' ní' adonj.

<sup>7</sup> Gaa rque me se aj sa' uxrá nocó' soj man Diose tzaj niha'. Me síí caráán chrej rihaan soj se cuchumán rá soj cuno soj nanq̄ ya yaj ga. <sup>8</sup> Xa' nanq̄ uno soj cuano, tzaj ne nuveé Diose me síí ca'mii nanq̄ yo' rihaan soj ma'. Dan me se xa' Diose, tzaj ne yo'o canacúún so' man soj canoco' soj man orún' ya so' adonj. <sup>9</sup> Ne'en nij soj se vaa yo'óo cu'naj levadura se 'yaj namij rque rachrúún, me se doj tzin' yo' araa nii rque cunj, tzaj ne namij rque cunudanj cunj, 'yaj yo', ne ase vaa yo'óo

cu'naj levadura ro', ta'nga' d<sup>a</sup>nj vaa nana<sup>q</sup> n<sup>e</sup> uno soj ad<sup>o</sup>nj. Dan me se doj tzin' nana<sup>q</sup> n<sup>e</sup> uno soj, tzaj n<sup>e</sup> ca'a<sup>n</sup>j ni'y<sup>a</sup> que'e<sup>e</sup> nij soj, qui'yaj nana<sup>q</sup> n<sup>e</sup> yo' ei.

<sup>10</sup> Dan me se 'unj me se yo'o amán raj ni'yaj 'unj man síí 'nij ra'a man ní' se vaa yo'o cuya<sup>q</sup>an gaa rá soj ga 'unj chugu<sup>q</sup>anj. N<sup>e</sup> síí a'mii yo'ó nana<sup>q</sup> ro', tzaj n<sup>e</sup> 'yaj chruj so' rihaan soj se vaa se canoco' sa' soj man Diose chugu<sup>q</sup>anj. Che'é yan 'yaj so' d<sup>a</sup>nj ro', che'é dan quiran' so' sayuun, qui'yaj Diose nanj ad<sup>o</sup>nj. Me ma'a<sup>n</sup> sij me so', tzaj n<sup>e</sup> ya quiran' so' sayuun, qui'yaj Diose ei.

<sup>11</sup> A'mii natáj ma'a<sup>n</sup> 'unj rihaan yuvij se vaa cuta<sup>q</sup> nii ta'nga' man yuvij, rá soj na'. Taj, man tinuj, man nocoj. Sese d<sup>a</sup>nj vaa nana<sup>q</sup> a'mii natáj 'unj, n<sup>e</sup> ne guun na'aj yuvij cuno yuvij nana<sup>q</sup> se vaa cavi' Jesucristó rihaan rcutze asuun saj ma'. Tzaj n<sup>e</sup> guun na'aj nij yuvij ei. N<sup>e</sup> m<sup>a</sup>qan che'é dan 'yaj ndo'o nij yuvij sayuun manj ad<sup>o</sup>nj. <sup>12</sup> Dan me se vaa che'é cataj ní' se vaa nij síí 'yaj sayuun man soj ro', 'o se veé, n<sup>e</sup> vaa che'é ca'n<sup>e</sup> nij so' nu' nee man ma'a<sup>n</sup> nij so' vaa tzaj ad<sup>o</sup>nj.

*Nana nihánj taj xna'anj se vaa ve'é qui'yaj ní' nu'  
se vaa me rá Nimán Diose qui'yaj ní' á*

<sup>13</sup> Dan me se canacúún Diose man nij soj guun niha' nimán soj canoco' soj man so', tinuj, nocoj. Tzaj n<sup>e</sup> se guun rá soj se vaa ca'vee qui'yaj soj náá guun se me rá nee man ma'a<sup>n</sup> soj qui'yaj soj ma'. Tananj cunu<sup>q</sup> 'ee rá soj tinúú soj, n<sup>e</sup> yo'o qui'yaj suun soj che'é tinúú soj ei. <sup>14</sup> Dan me se 'o cuya<sup>q</sup>an ya vaa nu' se-tucuanj Moisés ga orún' nana<sup>q</sup> nihánj chugu<sup>q</sup>anj: "Adi' se 'ee rá so' man ma'a<sup>n</sup> so' ro',

ta'nga' dānj gaa 'ee rá so' man yo'ó yuvii á". Né nihánj me nanq no xcúún ní' cuno ní', né sese dānj qui'yaj ní', né síí 'yaj nu' se-tucuānj Moisés me ya ní' adonj. A 'ó nanq s̄e cachiin cuno uún ní', sese dānj qui'yaj ní' a ma'. <sup>15</sup> Tzaj né sese cunu' soj do', sese guun xcoj ruvāqá rá soj ní'yaj soj tuvi' soj do', sese qui'yaj soj sayuun man tuvi' soj do', né dan me se tadó uxrá soj ei. 'Q se sese dānj uun rá soj, né quiri' cunudānj tuvi' soj, qui'yaj soj nanj chuguānj.

<sup>16</sup> Né cataj xna'anj 'unj rihaan soj se vaa yo'ó cuno soj a'mii Nimán Diose gaa chéé soj rihaan chumij nihánj, né sese inānj dānj qui'yaj soj, né daj chihāqá míj s̄e guun qui'yaj soj se vaa me rá nee man ma'ān soj qui'yaj soj ma'. <sup>17</sup> Dan me se ino uxrá vaa se me rá nee man ní' qui'yaj yo' ḡa se me rá Nimán Diose qui'yaj yo' ei. Dan me se ino me rá 'o 'o roj yo' ei. Sese me rá ní' cuno ní' rihaan Nimán Diose, né aráán nee man ní' chrej rihaan ní' cuno ní' rihaan Diose chuguānj. Né sese me rá ní' qui'yaj ní' se nij me rá nee man ní' qui'yaj yo', né aráán Nimán Diose chrej rihaan ní' s̄e qui'yaj ní' dānj ma'. Né unu' Nimán Diose ga nee man ní', né ca'vee se me rá ní' qui'yaj ní' ndaqá vaa me rá ma'ān ní' qui'yaj ní', tzaj né s̄e guun nucuāj ní' qui'yaj ní' dānj a man adonj. <sup>18</sup> Tzaj né sese nocō' soj man Nimán Diose, né taj che'é canoco' soj se-tucuānj Moisés a mei.

<sup>19</sup> Dan me se aj ne'en soj daj vaa rasqun me rá nee man ma'ān soj qui'yaj yo' ei. Me rá yo' qui'yaj yo' cacun' ḡa yo'ó chanq do', me rá yo' qui'yaj yo' se nij ndo'o do', me rá yo' qui'yaj yo' se na'aj ndo'o

do', <sup>20</sup> quina'vij soj rihaan ya'anj acój yuvij do', me rá uún yo' ca'mij soj gä síí chruqun nano' so' chrej che'é soj do', uun xcoj ruvaqá rá soj ni'yaj soj tinúú soj do', unu' soj gä tinúú soj do', axríg yuvaqá soj man tinúú soj do', inanj me rá 'o 'o soj cavij sa' uún soj do', uxra' ta'aj nij soj man nij soj do', <sup>21</sup> uun xcoj ruvaqá rá soj ni'yaj soj tinúú soj do', achráá ndo'o soj chra' xno gä tuvi' soj do', ne dan me se que'ee doj tuvi' cacun' nihánj 'yaj uún soj, 'yaj nee man ma'an soj nañj adonj. Aj cataj xna'anj 'unj rihaan soj, ne cuano nihánj me se cataj xna'anj uún 'unj rihaan soj se vaa yuvij 'yaj danj ro', daj chihaa míj se cayáán nij so' gä Diose asa' guun chij Diose rihaan chumiij nihánj a ma'.

<sup>22</sup> Tzaj ne sese inanj rihaan Nimán Diose cuno ní', ne cunu'u 'ee rá ní' tuvi' ní' do', gunun niha' rá ní' do', gaq xej nimán ní' do', gaq inaj nimán ní' do', ve'é qui'yaj ní' rihaan yuvij do', yo'q cuchumañ rá ní' do', <sup>23</sup> síí ni'yaj a'mii gunun ní' do', ve'é cùtumé ní' man ní' daj qui'yaj ma'an ní' do', qui'yaj Nimán Diose ei. Inanj danj gaq ní' sese ve'é cuno ní' rihaan Nimán Diose nañj adonj. Yo' me sese qui'yaj ní' ndaq vaa taj nanq nihánj, ne taj cacun' quitaj xráá ní' qui'yaj nana nihánj a ma'. <sup>24</sup> Dan me se ní' sij aj canoco' man Jesucristó ro', me se aj ticavi' Jesucristó man nu' se chi'ii mān nimán ní', gaq cavi' so' rihaan rcutze, ne dan me se quisij qui'yaj nee man ní' cacun', ne daj chihaa míj se qui'yaj uún ní' se chi'ii me rá nee man ní' qui'yaj yo' a ma'. <sup>25</sup> Dan me se che'é se cunu'u sa' nimán ní', qui'yaj Nimán Diose, che'é dan yo'q cuno ní' nu' se vaa cataj xna'anj Nimán Diose rihaan ní' ei. <sup>26</sup> Se

ca'mii xta<sub>q</sub> ni' a 'ó xco' a ma'. Se ca'mii ra'yunj ni'  
rihaan tinúú ni' a ma'. Se guun xcoj ruvaq<sub>a</sub> rá ni'  
ni'yaj ni' tinúú ni' a ma'.

## 6

*Nan<sub>a</sub> nihánj taj xna'anj se vaa ve'é racyúj ni' man  
tinúú ni' a*

<sup>1</sup> Sese ya<sub>q</sub> xcaj nij soj cuentá se vaa qui'yaj 'o  
tinúú soj cacun', ne soj sij ve'é noc<sub>o</sub>! Nimán Diose  
ro', nago' soj chrej man síí tumé cacun' daj qui'yaj  
so' rej rihaan so', tinuj, nocoj. Tzaj ne nica<sub>q</sub> ga<sub>a</sub>  
nimán soj, ne ve'é ca'mii soj nana<sub>a</sub> sa' g<sub>a</sub> síí tumé  
cacun' ei. Dan me se tado<sub>q</sub> soj ga<sub>a</sub> ma'ān soj gaa  
nago' soj chrej ei. Sese se<sub>q</sub> tado<sub>q</sub> soj, ne ma'ān soj  
do' ca'anj chrej chi'ji nanj chuguanj. <sup>2</sup> Dan me se  
ca'vee se me ma'ān sayuun ran' tinúú soj, tzaj ne  
racyúj soj man so' ei. Sese danj qui'yaj soj, ne síí  
qui'yaj nu<sub>q</sub> tucuáán cuchruj Jesucristó che'é ni' me  
soj ga<sub>a</sub> nanj chuguanj. <sup>3</sup> Ne sese vaa síí guun rá se  
vaa síí sa' me ma'ān so', ne síí ne ne'en uxrá me so',  
ne síí tiha' yu'unj man ma'ān me so' nanj ei. <sup>4</sup> Tzaj  
ne naqui'yaj cuu 'o 'o ni' daj 'yaj ma'ān ni', ne sese  
ve'é 'yaj ni', ne guun niha' rá ni' che'é se vaa ve'é  
'yaj ma'ān ni' ei. Tzaj ne ne nó xcúún ni' naqui'yaj  
cuu ni' daj 'yaj tinúú ni' ma!. Se cataj ni' se vaa sa'  
doj 'yaj ni' rihaan tinúú ni' ma!. <sup>5</sup> Ma<sub>a</sub>qan se ino<sub>q</sub> vaa  
suun at<sub>a</sub> 'o 'o ni', ne no xcúún 'o 'o ni' ca<sub>a</sub>t<sub>a</sub> ni' suun  
vaa rihaan ma'ān ni' nanj adonj.

<sup>6</sup> Dan me se síí tucu'yón se-nana Diose ro', me  
se no xcúún so' cuxraq<sub>a</sub> ta'aj so' nu<sub>q</sub> se sa' rihaan síí  
tihaan se-nana Diose nana<sub>a</sub> sa' rihaan so' a.

<sup>7</sup> Tzaj ne se<sub>q</sub> tiha' yu'unj soj man ma'ān soj ma'.  
Se ca'vee tiha' soj man Diose ma'. Dan me se sese

'yaj yo'ō so' sayuun rihaan chumij nihánj, ne gaa  
 ndo'o sayuun quitaj xráá so',<sup>8</sup> ne sese qui'yaj yo'ō  
 so' inanj se vaa me rá nee man ma'an so' qui'yaj  
 so', ne nee man so' qui'yaj quirj' nu' so' nānj adonj.  
 Sese qui'yaj yo'ō so' inanj se vaa me rá Nimán  
 Diose qui'yaj so', ne Nimán Diose qui'yaj gaa i'nā'  
 so' cayáán so' ga Diose nu' cavii nu' ca'anj adonj.  
<sup>9</sup> Se guun rmij ní' qui'yaj sa' ní' ma'. Sese se quiri'  
 rá ní', ne quisij güii cachrón Diose, ne sa' uxrá doj  
 cavii ní', qui'yaj Diose ei.<sup>10</sup> Dan me se yaj vaa  
 ya'núj rihaan ní' ro', qui'yaj suun ndo'o ní' che'é  
 se sa' cuano ei. Che'é dan ve'é uxrá qui'yaj suun  
 ní', racyúj ní' man cunudanj yuvij ei. Tzaj ne doj a  
 guun rá ní' racyúj ní' man nij tinúú ní' nij síí amán  
 rá ni'yaj man Jesucristó adonj.

*Nanq nihánj taj xna'anj se vaa guun niha' rá  
 Pabló inanj che'é se cavi' Jesucristó rihaan rcutze  
 che'é ní' a*

<sup>11</sup> Ni'yaj soj ei. Xij ndo'o vaa letrá cachrón ra'aj  
 ma'anj che'é nij soj chuguānj.<sup>12</sup> Nij síí me rá  
 ve'é ca'mij yuvij che'é ro', ma'an nij so' me síí me  
 rá cata' ta'nga' man soj nānj adonj. Danj 'yaj nij  
 so' che'é se na'vej rá nij so' qui'yaj yuvij sayuun  
 man nij so' che'é se noco' nij so' man Jesucristó  
 síí cavi' rihaan rcutze nānj chuguānj. Maan che'é  
 dan a'mii nij so' dānj rihaan soj nānj adonj.<sup>13</sup> Dan  
 me se ata' ta'nga' man nij so', tzaj ne ne noco' sa'  
 ma'an nij so' se-tucuānj Moisés ma'. Tzaj ne inanj  
 me rá nij so' cata' ta'nga' man soj, gaa ne ca'mij  
 xtā' nij so' cataj nij so' se vaa cata' ta'nga' man  
 soj qui'yaj ma'an ya' nij so', che'é se qui'yaj nij so'  
 fuerzá man soj, cataj nij so' a.<sup>14</sup> Ne xa' 'unj, tzaj ne

daj chihaq míj se ca'mii xta' 'unj ma'. 'Q se guun nihq' rá 'unj inanj che'é se cavi' Jesucristó sij 'nij ra'a man ní' rihaan rcutze che'é ní', né xq' chumij nihánj, tzaj né ase vaa se cavi' ro', dānj vaa chumij nihánj rihaan 'unj, né taj yu'vee nó chumij nihánj rihaan 'unj, né yo'o tanáj 'unj man se vaa 'yaj níj yuvij mān rihaan chumij nihánj nānq adonj. <sup>15</sup> Taj se 'yaj sese taj ta'nga' man ní' do', taj se 'yaj sese nuvi' ta'nga' táá man ní' do' ma'. Núj naqui'yaj naca Diose man ní', né cavij sa' ya ní' nānq adonj. <sup>16</sup> Me rá 'unj gaa xej nimán taran' soj sij noco' tucuáán nihánj, né gaa 'ee rá Diose man soj ei. Ya yuvij israelítá me soj rihaan Diose nānq chuguānj.

<sup>17</sup> Dan me se aj quiran' ndo'o nee mán 'unj sayuun che'é se 'yaj suun 'unj che'é Jesucristó natá' 'unj rihaan yuvij che'é so', né che'é dan na'vej rá 'unj qui'yaj soj doj sayuun mán 'unj a ma'.

*Nana nihánj taj xna'anj se vaa me rá Pabló qui'yaj Jesucristó se luj che'é níj síí mān Galacia a*

<sup>18</sup> Me rá 'unj qui'yaj ndo'o Jesucristó sij 'nij ra'a man ní' se luj che'é nimán níj soj, tinuj, nocoj. Ya uxrá ei. Veé dānj gaa ya ei.

**Se-nānā Diosē nanā sā' me rá catūū nimán ní'**  
**a**  
**New Testament in Triqui, Copala (MX:trc:Triqui,  
Copala)**

copyright © 1987 Wycliffe Bible Translators, Inc.

Language: Triqui, Copala

Translation by: Wycliffe Bible Translators, Inc.

Triqui, Copala [trc], Mexico

**Copyright Information**

© 1987, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Triqui, Copala

**© 1987, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

**xxx**

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
3a8f2838-fe9f-5490-8d78-a7bbffddab871